

太上玄靈北斗本命延生真經註卷之二

十二

太上玄靈北斗本命延生真經註卷之二十三

玄陽子徐道齡集註

乾陽子徐道玄校正

於是說大聖北斗解厄應驗曰、  
大聖北斗七元君能解三災厄

三災者乃星名也按玉樞經云世人欲免  
三災九橫之厄即於靜夜稽首北辰又按  
告斗之法亦有置三災星於斗口之前供  
養者良由此星操惡於諸惡之首也人命  
遇之能依法醮禳無不獲應矣又三災者

雷噴為天災火焚為地災覆溺為水災此  
初學之士不得真道在於桔園之中厄運  
交會未免有此災厄今者幸遇禳解此二  
十四厄靈符若能持誦斗經禮拜斗懺認  
本命星君焚化靈符則可免也上智之士  
更能修鍊成真出乎天命氣數之外豈有  
此災并諸厄難也

大聖北斗七元君能解四殺厄

殺者即殺伐也蓋正人稟正炁惡人會惡  
殺也又四殺者四時不正之炁也春感之

為溫夏感之為瘡秋感之為痢冬感之為嗽故曰四殺陰陽中之四殺者丑未辰戌居不正之方也又四殺與三殺七殺皆土家之惡神殺也若人犯之撓害非輕若能依法祈禱解禳則百無禁忌也

大聖北斗七元君能解五行厄

五行者即五臟也一經受病則一身不安也玉樞經云五行奇蹇九曜欽欽誦玉經天尊命本人家司命六神上請北斗解一切厄若有此災依法保之禳之

大聖北斗七元君能解六害厄

六害者即身之六賊謂眼耳鼻舌身意也

若不禁制則有害也玉樞經云三刑六害

隔角交加若能預防朝真禮斗則可以解

禳也

十三

大聖北斗七元君能解七傷厄

二

七傷者人之七情謂喜怒哀樂愛惡慾也

一有過度則傷身也又名七殺也解之慎

之則無傷害也

大聖北斗七元君能解八難厄

難者難也即世人之身難逃之惡疾也謂  
癱瘓癩癘風癆蠱癩此八者若非先曾延  
奉斗真今不能全備其體離其難也又八  
難者乃八景之異名也經云昊天諭三界  
真仙聖衆曰汝當戒八漏方可脫八難若  
能脫八難方可入三清八漏者目淚肝之  
漏不息壽不齡鼻涕肺之漏損則病必成  
口唾脾之漏去多勞本形外汗心之漏不  
收死不停睡涎腦之漏不閉神不靈小腸  
漏於腎不祕絕不生夜夢鬼與交神漏太

分明姪慾不度節身漏無可憑如是八般  
漏乃為八難行若人奉北斗七情不妄驚  
情既不為害八難厄亦輕上智之士依而  
行之則能超脫也其有世人覺疾之作急  
當絕慾減膳志誠齋戒告斗誦經佩服靈  
符則可消穰也

寸二

三

六聖北斗七元君能解九星厄

九竅不制則起姪慾縱貪嗔之心也又即  
九曜欽欽是也若能精修寶鍊奉斗朝真  
則何災不滅也

大聖北斗七元君能解夫妻厄

經曰父母生之續莫大焉男女居室人之  
大倫也世人夫婦失於婚合有犯神殺致  
生災厄北斗乃玉樞所司凡有此厄難至  
誠齋戒誦經禮懺告斗焚符以消穰之則  
夫婦和睦子孫昌泰也今人有妻有子或  
起姪洙之心或覬隨奩之產三妻五妾別  
籍異居爭財妬色盡媚魘詛伸以夫婦參商  
父子狼虎至於遭刑蕩產殞命喪身者有  
之此自作孽也欲禱之於神而神豈受不



臣之請也

大聖北斗七元君能解男女厄

子災嗣絕所致多端但以幼吾之幼以及  
人之幼更能立功種德則斗真不待禱而  
令解其災不伺求而默賜其子納寵倖妾  
非徒無益而又害之

大聖北斗七元君能解產生厄

婦人不擅專房之寵不懷妬忌之心即無  
產生之厄子孫亦衆多也若能改過首謝  
斗宮朝禮寶懺佩帶符篆持念所屬本命

真君名號能解厄難也

大聖北斗七元君能解復連厄

按玉格云諸一切人雖有智能事多齟齬  
或成或敗徒有虛名疾病不瘥婚姻失時  
亦無嗣續或生男女不能長養而卒萬事

十二

四

不能從心者謂犯復連也皆是先亡不得  
超脫久久無人濟拔雖百千年終不能受  
生宜解之鍊度生界見在生人自然榮達  
作事遂意道齡訓玉樞經勞瘵乃尸疰之  
所致也尸疰變狀不一有傳尸 殮碟肺痿

骨蒸復連五種皆由虛損得之病源從腎起傳之於心則驚悸少氣夢見先亡故本經云先亡復連是也或問先亡不得超脫復連六親人何能知曰若犯此厄則感此病也既罹此厄急宜寡慾清心餌藥吞符祈告斗真超度祖玄俾亡者獲生善境存者厄解災消也

大聖北斗七元君能解疫癘厄

按消災經云若太白火星入於南斗則於國於家及分野處作諸障難者念此陀羅

尼加持其災即除移於不順王命悖逆人  
身上受者佛豈移災乃為逆之人自招致  
耳疫毒流行患病闔門亡歿者蓋人居常  
不孝不忠不仁不義不敬天地不懼神明  
不禮三光不重五穀不修香火不貴其身

十三

五

恣意烹宰厭穢腥羶惡類相漸惡業相似  
惡氣相合之所致也若能修改自無此厄  
倘有傳染則齋戒禮斗佩奉靈符即得解  
禳也

大聖北斗七元君能解疾病厄

沉痾痼疾宿有冤愆暴病卒患因無攝養  
急須醮謝真君加之法藥相助必得扶衰  
解厄也

大聖北斗七元君能解精邪厄  
邪妖尅害蓋心懷不正之感招精魅縲纏  
乃忘失奉真之故也若能依法禮斗朝真  
藝示靈符更尋天罡之所在能感正炁以  
摧之

大聖北斗七元君能解虎狼厄

陸逢虎狼蛇虺舟迎蛟蜃魚龍此乃動之

厄理之常也若人先能皈命玉樞投誠斗  
府持念經號佩帶靈章預爲防之豈遇是  
厄設或遭遇急投符於水火之中則其應  
如響

大聖北斗七元君能解蟲蛇厄

鳥鼠送妖蛇蟲嫁孽蓋人日常治家不理  
殺盜邪淫觸犯禁忌干瀆神聰遂致六神  
不居蛇怪乘間而入當持斗號懺謝過愆  
肅清家舍焚示靈符自感真炁以遣穰之

大聖北斗七元君能解劫賊厄

此乃慢藏不謹之自招積塚負債之所致  
人能預伸告解慎防不虞即得免也

大聖北斗七元君能解枷棒厄

若人妄遭撫拾非罪干連或罹過悞之愆  
或被虛誣之執陷在縲綫之中備受枷棒

十二

六

之苦情雖負抑獄案文成官府避罪以稱  
疑家屬訴寃而不理當至心齋戒剖露衷  
情具章啓奏祈告斗宮坐禁者亦齋心默  
禱內外合誠必能感格使之陰報陽應審  
理平反則解其厄也故犯法禁其可解乎

大聖北斗七元君能解橫死厄

非正命者皆名橫死若知有此厄難當建  
善功積陰德悔過省躬懇告斗府佩帶靈  
符必有起死回生之驗也若覆壓於巖墻  
之下刑戮於桎梏之中是自取其橫死非

天爲也禱之無益

大聖北斗七元君能解呪誓厄

盟詛呪誓蠱媚魘禱事有多端有希求愛  
媚者離間親情者有辜恩負義者設誓違  
盟者有析財不均者受抑無伸者有欲令



死者使其疾苦者有信巫覡妄執人魂令  
其顛倒迷亂者或陰沉不語久伏於枕席  
之間者皆人身心不正或事處於過不及  
之偏之所致也若能退思於釁端推究損  
已責躬改已往之愆非修未來之善果更

十二

七

誦大聖之名號佩繫上帝之靈符即可解  
禳也

大聖北斗七元君能解天羅厄

天羅者乃天理也地網者乃人事也若為

人上不犯國法下不逆人倫則四方上下

皆得通行也永無羅障網罟之厄人若起  
是念必罹此厄違是道必遭此刑但能不  
越五常明立三綱更誠心澄慮以朝斗真  
則永得延生而入仙道也

大聖北斗七元君能解地網厄

此章上文併註已明未竟其說又地網天  
羅者即憲綱條格也世人不思富貴貧賤  
乃命分已定却不安分不知止違天命悖  
氣數作非法以犯國法棄性命以喪身命  
其地網天羅之厄豈能逃也人能安分懷

刑保身守道更能禮斗朝真則自無此厄

也

大聖北斗七元君能解地獄厄

此經功霑水陸善及存亡若人宿有冤業  
身謝之後執對冥府陰司孝子順孫欲追

九玄與之告斗禮懺赦其罪尤則生歸善  
人之道也

大聖北斗七元君能解一切厄

太上垂教演說妙經使人延生保命度厄

消災此諸厄難舉其大槩耳玉樞經有云

北斗解一切厄世人但有厄難虔誠朝禮  
修設齋醮禮懺誦經焚符持號則無不響  
應也

於是七元君大聖善通靈

此篇乃入道修真之徑路延生禮斗之樞

十二

八

要解厄消災之訣法回生起死之關鍵也  
太上列此於諸厄之後者欲人依法修持  
則無諸厄障自然昇真證道也此言初真  
學道之士及善男信女若發誠心於此七  
元君降臨之日依科行訣誦經焚符奏章

上表則七元君之威力神通大聖妙化善  
明萬靈之靈也

濟度諸厄難超出苦衆生

世人若欲消災謝罪解厄釋難告斗虔恭  
無不遂願以拔衆生沈溺之苦趣也

若有急告者持誦保安平

若人家或病或難或產或災或求嗣續或  
保延生急宜誠思定慮認本命星君之號  
持是訣誦是經焚是符則得家道清靜而

患難克期安泰也

盡憑生百福咸契於五行

斗真七戒云不得交游非類妄習異端執  
心不一自無指歸常依正教不生疑惑人  
能盡心竭誠依憑經訣證道修真斗司當  
與其百福所為所作皆默合於五行造化

三

九

也

三魂得安徒邪魅永消停五方降真炁萬福  
自來并

三魂安健九靈屏跡我之五臟自生真炁  
真炁既生永保利貞則萬福自然合我之

體也

長生超八難皆由奉七星生生身自在世世

保神清

三既得萬福來合我身則八難自然超脫如  
此則長生之道備矣本自七星之玄靈敬

奉而得致也若能依前安置三魂調理五  
臟收三尸拘九靈離八難則是奉北斗之  
功驗矣必使其人生生不入桎梏得以自  
在與道逍遙則世世神清也

善似光中影應如谷裏聲

既得生生自在世世神清則元靈生慧光  
能燭萬物曲直之影是以有諸內必應乎  
外也

三元神共護萬聖眼同明

學道之士若能修持到此地位則天官侍  
我魂地官侍我魄水官侍我神如此飛昇  
金闕遊宴玉京則萬神萬目自然瞻禮而  
敬仰我也

無災亦無障永保道心寧

此篇包括經中旨要盡於此矣若能精修



斗訣深造斗經則又豈有災障而永保奉  
道之心安寧也

老君曰北辰垂象而眾星共之

志書載北辰者北帝也一名北極亦號太

辰故辰極為天心以正萬物北極為天樞

寸二

十

以居其中不動為炁之主故眾星環繞而

歸嚮之或言北辰垂象一句北之一字恐

是此字指北斗而言庶與上下章旨貫通

也道齡謂北斗為萬象之尊魁罡運轉晝

夜常輪則眾星皆隨斗柄而行曰北辰者

即北斗也北斗七星在太微之北微垣北極之前魁四星為璇璣杓三星為玉衡所謂璇璣玉衡以齊七政也吾夫子言政喻如北辰為政以德者即北斗斡運陰陽出內生死建四時統萬靈豈非政耶此夫子

至聖之論也謹按別本延生經云太上曰天一生水生自北方故紫微之垣高崇北辰北辰之宿列為七元首引貪辰尾明破曜中立文曲以為天地之樞紐也又三台星世為北斗之華蓋玉樞經云北辰之上

上有三台其星並纏形如雙目疊爲三級  
以覆斗魁是則皆與本經曰北辰即北斗  
又明矣雖然尚期待真人至士更與發明  
而加訂證之自北古始於外之區萬物  
爲造化之樞機作人神之主宰宣威三界統

御萬靈

在天爲北辰在人曰性真北辰皆統衆星  
令三界而運造化正二三月斗柄用昏建  
寅卯辰之位以生萬物四五月建巳午  
未而長養萬物七八九月建申酉戌以成

熟萬物十月十一十二月建亥子丑之位  
而收藏萬物斗杓不運則四時不節五行  
不應寒暑失度陰陽不調生物不成矣所  
以爲造化之樞機也性真能宰萬靈分善  
惡辯是非也

判人間善惡之期

世人以專行善事而多災禍者蓋善功未  
足善功旣足其福至矣金剛經云受持讀  
誦此經若爲人輕賤是人先世罪業應墮  
惡道以今世人輕賤故先世罪業卽爲消

滅是也有專行惡事而享福者乃惡未滿  
其惡盈時大禍至矣故太上曰惡不積不  
足以滅身蓋善惡之事各有期限者太上  
好生之德也為善者伺其大善具足為惡  
者伺其改悔善惡之期斯可明矣今人始  
務為善或持齋而不戒或禮斗而生嗔不  
依經旨而行持不求玄竅而進道誦經一  
過二過便願福壽兼全僅持號百聲千聲  
急欲資財茂盛倘有事物之違心或老艱  
難之阻障不能順受怨道咎師盟神詛佛

是謗法之罪人也若為惡之人禍患在於  
隱微之間而未見即能悔過遷善向道歸  
真則百千萬惡即為消滅謂如積歲堅冰  
若慧日一照渙然而釋是以小惡不可不  
戒小善不可不為過勿憚改改之在速改

十二

十二

過向善宜在限內設若過期禍將及矣孟  
子曰如知非義斯速已矣何待來年

司陰府是非之目

北斗聖功豈能盡述然以此章言之下司  
神靈枉直功過鬼官邪正懃怠苦爽幽魂

之昇滯四生六道之轉輪悉總屬於綱領也  
五行共稟七政同科

歲星屬木角斗奎井四宿同科熒惑屬火  
尾室觜翼四宿同科太白屬金亢牛婁鬼

四宿同科辰星屬水箕壁參軫四宿同科

鎮星屬土氐女胃柳四宿同科外有房虛

星昴四宿為之日宿乃太陽之舍配之屬

火心危畢張四宿為之月宿乃太陰之舍

配之屬水四七之星配五行二曜亦謂之

七政北斗者天之體也五行二曜者天之  
用也故一體一用係乎動靜一動一靜係  
乎陰陽一陰一陽係乎天地一天一地係  
乎水火一水一火曰造而化之也造化之  
機璇璣是也所以北斗總動靜體用陰陽

十二

十三

水火天地造化也然七政之用與北斗雖  
同科目原夫斗之為義大矣哉斗字從十  
從二斗總中天斡旋運度建四時以制八  
方均五行以齊七政為斗之用皆合十二  
數也在三清生九炁九炁生昊天紫微北



極成十二位也在北斗七明星隱合三台  
亦十二位也在人身有五臟七竅在陰陽  
有十二支在人身有十二相屬在周天有  
十二雷門一年有十二月一日有十二時  
以此推之信乎天上地下無一物不係其  
斗之總統也同學至人能日日朝真時時  
禮斗自感斗真降真炁於身以延其生也  
有回死注生之功有消災度厄之力  
太上垂慈說此經訣本以消災度厄而回  
死注生者雖天命不可改移亦由人之修

積故死可回而厄可解天定能勝人人定  
亦能勝天道齡伏觀太上洞玄靈寶朝天  
謝雷經中所載太上宣揚一事則知回死  
之功在人修積龍漢九年東平之郡義保  
之村有一人姓趙其性擁腫撲也忽因所幹

步入州城路逢卜士云彼火色三日之內  
必受雷嗔是人歸家略不少露至第三日  
果大風雷雨黑暗乾坤是人曰天來誅我  
我當走野免致驚懼雙親以嚇弟兄於是  
執傘速至東郊外伺誅此一時地雷知念

飛稟即差天雷司猛吏辛判官化作一俗  
人察此一事飛至傘下共之同戴是人曰  
天欲誅我我來待死汝速避勿在此久留  
要傘將去辛判官飛上天雷上奏  
上帝帝感如此加與三紀壽千日官祿緣

十三

十四

其三事善釋三世之罪一知雷嗔不說是  
敬天也二走野待死者是愛親也三與合  
傘人言汝速避又與之傘者乃利人也因  
此三事遂得榮昌子孫綿遠回死注生之  
功豈非人之修積也耶

上至帝王下及庶人尊卑雖則殊途命分俱  
無差別

天地乃一炁人物無兩途昔漢明帝於終

南山遇七元真君素衣垂髮帝稽首問曰  
未審是何仙聖真君曰吾是北斗七元真

君下遊人間察錄善惡帝叩頭再拜云仙

者掌握何事真人曰吾上管諸天星宿下

管五嶽四瀆三百六十名山三十六洞府

地仙河源水族盡屬吾之所管并下元生

人年命長短衣食官爵疾病刀兵刑獄分

野興廢並是吾之僉註帝曰如朕還屬上  
真管否真君曰子雖為人主命與庶人一  
同帝拜曰凡目不識上真乃再啓曰朕欲  
求長生之道可修否真君曰子要求至道  
脫死昇天子須堅勤何慮不得帝曰朕幸

十二

十五

遇上真願賜傳授朕修事不虧兼綵繪真  
像畢生供養真君曰子至告於吾不可不  
傳緣子宿是上仙墜為人君吾今所宣是  
玄真祕術子須密行不可漏泄須發大願  
恭天順人慈和心性淫慾懈怠殺害妄想

切在戒之欲得道通聖但依二時交乾步  
斗吞符誦呪存想醮拜功滿之日自然昇  
仙矣帝曰朕當依法奉戒真君曰子當諦  
聽修身鍊形常至子後午前存身為枯樹  
以左手中指中節上緊掐定後想空身為  
一團真炁畢却想真炁為一真人青龍從  
肝出左白虎從肺出右朱雀從心出頂玄  
武從腎出足四神侍衛從乃步斗凡步斗  
春夏從魁星起秋冬從罡星起皆先從左  
足欲步斗時先以兩手中指中節緊掐口

中默念魁魁魘魁魘魁魘然後起左脚存  
斗蓋於頭以魁星在前罡星在後仍存金  
光照人即叩左邊齒七通呪曰上方世界  
八千人下方治地四將軍三五吏兵除惡  
鬼四六童子護我身六甲直符祛厭魁六

丁玉女守吾身左有青龍右白虎上有朱  
雀下玄武前有功曹後主簿却除妖魁并  
魘蟲一切厭穢不得住須臾不去舉天斧  
急急如太上老君律令然後叩右邊齒七  
通呪曰太寧九宮太乙守房百神叅位魂

魄和同長生久視塞滅邪兇急急如太上  
老君律令真君曰此呪是太上金口所宣  
子當持此二呪神將靈童玉女自然隨子  
身守護驅使也瘟瘴傳尸刑獄刀兵永不  
近身帝曰上真到何日降下人間所食何

寸二

十六

物願賜一言朕當供養真君曰正月二十

五二十六二月初二初七二十三二十六

三月二十六四月十七二十七五月初五

十三二十日六月初四初八七月初四二

十四八月初二十一十九二十七九月初



三十八十月初十二十六十一月初一初  
九十七二十五十二月二十日及每月初  
三二十七庚申甲子吾下遊世間當以  
新熟果餅名華香藥細酒棗湯供養凡欲  
供養先以舌拄上齧存舌爲度仙橋一道  
存五臟中出五色氣爲五條五色祥雲乘  
起其橋直至吾斗中默呼直年直月直日  
直時使者從橋上去吾斗中云弟子某有  
某事請告於吾若見斗中一人如玉女托  
羊頭者名曰擎羊使者次見一人左手執

劍右手托華盤者名曰陀羅使者此二人  
先來檢校所有供養不精專及穢觸皆此  
二人奏報若有異香紫雲入室者是吾七  
真及左輔右弼下降也予須於迥靜室中  
供養不得嗔怒常須歡喜勿令女人孝子

十一

十一

僧尼等見如見觸於吾禍殃立至若能修  
行專志一有災厄之時但焚香告吾災禍  
自免不得妄為今道齡得此真玄之迹不  
敢自秘而獨善其身故載此章惟願上智  
之士依法修持必獲感通以遂昇真證道

也士於劫劫甚必難處能以經是眞箇意

凡夫在世迷謬者多不知身屬北斗命由天  
府有災有患不知解謝之門延福延生莫曉

飯真之路一有災厄之期即焚香告晉災辭

斗為天地之準繩斗乃陰陽之陶冶生物

生人運水運火故成四季令萬靈振十方

冠三界自三清昊天玉樞之尊復有如此

斗功德之大也耶人人頂戴北斗而不知

身屬於斗却不精勤朝禮而修奉世人未

免乎災患不臨身也縱然學道而道淺末

學之人猶不免況在俗之人名利役其心  
而不知止酒色搖其精而不知戒厄會之  
時災患必生災患至矣尚不覺悟而皈真  
解謝惟信巫覡之妄烹宰羶腥以為祈禱  
或偶得痊瘥便為受神之福如其死亡則  
謂神不保庇也間有服藥多害物命者嗚  
呼爾欲求生彼亦惜命安可忍乎凡諸此  
者皆是不知解謝之門也知其門者則始  
於胥視服藥未愈禱之祖先祖先未應次  
求法助未驗必獲罪於天命災於星數矣

必當以善功解之豈不聞春秋宋景公熒  
惑守心度主宋國災子韋曰禍當君可移  
於臣公曰相所以治國家也曰可移於百  
姓曰百姓死寡人將誰君曰可移於歲曰  
歲若饑人饑必死子韋曰君有至德之言

寸二

十八

三天必三賞君矣是夕熒惑乃退三舍信  
乎人之有災患可不以善功解謝之人能  
興一念之善行一善行則感鬼神動天地  
矣人有災於星數當求黜謝自認本命所  
屬星君解禳災咎更能三省其身思愆悔

過至心歸身歸神歸命懇告斗宮則可以  
災患消除延生益算矣此乃解謝歸真之  
門路若不以良醫藥餌治病為功又不以  
告斗祀先為忱者則災將重矣病將危矣  
死將至矣

致使魂神被繫禍患來纏或重病不痊或邪  
妖尅害連年困篤累歲迭遭塚訟徵呼先亡  
復連或上天譴責或下鬼訴誣若有此危厄  
如何救解急須投告

斗醮謝真君及轉真經認本命真君方獲

安泰以致康榮更有深妙不可盡述

凡愚之輩迷謬之人貪慾是務惟利是圖  
蠹公營私損人益己信巫覡以禱祭淫祀  
啖官吏以吞併善良恣慘酷以拷捶奴婢  
逞顏色以嫉妬糟糠不有天地豈懼神明

十二

十九

如此不能覺悟沉淪又作諸業轉生迷謬  
至於惡積禍盈時移事退病患來侵妖邪  
踵至人欲既盡天理昭回自於心上幻出  
許多危厄也太上慈悲大開解謝之門直  
指歸真之路若能悔愆首過不蹈前非投

詞具奏醮謝真君禮認本命又能修真向  
道即康榮也更有深妙不可盡述者太上  
略示下文北斗真形名號靈符也

太上玄靈北斗本命延生真經註卷之二



